



Broj: 03-02-12200-5³/2024
Dana; 8.2.2024. godine

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
SKUPŠTINA UNSKO-SANSKOG KANTONA

PRIMLJENO:			
Org. jedinica	Markirano broj	Radovani	Ang. podoba
0/12	02	05-10	10/24

SKUPŠTINA UNSKO-SANSKOG KANTONA

PREDMET: Prijedlog Zakona o dopunama Zakona o pružanju besplatne pravne pomoći,
dostavlja se

Na osnovu člana 109. i 133. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), u prilogu vam dostavljamo Prijedlog Zakona o dopunama Zakona o pružanju besplatne pravne pomoći, uz sljedeće

O b r a z l o ž e n j e

Vlada Unsko-sanskog kantona je na 17. sjednici, održanoj dana 8.2.2024. godine, razmatrala i Zaključkom broj: 03-02-51-241/2024 utvrdila Prijedlog Zakona o dopunama Zakona o pružanju besplatne pravne pomoći, obrađivača Ministarstva pravosuđa i uprave, koji vam se upućuje u dalju proceduru, uz prijedlog da se isti razmatra po skraćenom postupku.

S poštovanjem.

Prilog: Prijedlog Zakona o dopunama Zakona o pružanju besplatne pravne pomoći (4x)

Dostavljeno:

1. Naslovu
2. a/a





Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), na prijedlog Ministarstva pravosuđa i uprave, Vlada Unsko-sanskog kantona na 17. sjednici, održanoj dana 8.2.2024. godine, d o n o s i

ZAKLJUČAK

I

Utvrđuje se Prijedlog Zakona o dopunama Zakona o pružanju besplatne pravne pomoći, obrađivača Ministarstva pravosuđa i uprave te se isti upućuje Skupštini Unsko-sanskog kantona na razmatranje i usvajanje, uz prijedlog da se isti razmatra po skraćenom postupku.

II

Ovaj Zaključak stupa na snagu danom donošenja.

Broj: 03-02-51-241/2024
Bihać, 8.2.2024. godine



Na osnovu člana 1. poglavlja IV i člana 11. b) poglavlja V, odjeljka A Ustava Unsko-sanskog kantona- Prečišćeni tekst („Službeni glasnik Unsko-sanskog kantona“ br. 1/04 i 11/04) na prijedlog Vlade Unsko-sanskog kantona, Skupština Unsko-sanskog kantona, na _____ sjednici održanoj dana _____ donosi

**ZAKON O DOPUNAMA
ZAKONA O PRUŽANJU BESPLATNE
PRAVNE POMOĆI**

Član 1.

U Zakonu o pružanju besplatne pravne pomoći („Službeni glasnik Unsko-sanskog kantona“ broj: 22/12 i 3/16) u članu 13. stav (1) dodaju se nove tačke f), g), h) i i) koje glase:

- „ f) lica kojima je priznat status civilne žrtve rata;
- g) članovi uže porodice posebne kategorije civilnih žrtava rata.
- h) žrtve nasilja tokom oružanog sukoba u BiH;
- i) tražitelji azila, izbjeglice, osobe pod supsidijarnom ili privremenom zaštitom, osobe u postpuku protjerivanja, apatridi, žrtve trgovinom ljudima, a u skladu sa obavezama koje BiH ima prema međunarodnim konvencijama.“

Član 2.

(Stupanje na snagu)

Ovaj Zakon stupa na snagu osmog dana od dana objave u “Službenom glasniku Unsko-sanskog kantona”, a primjenjivat će se od 01.04. 2024. godine.

Broj:
Datum:

Predsjedavajući Skupštine
Unsko-sanskog kantona
Zikrija Duraković

OBRAZLOŽENJE

Nacrta Zakona o dopunama Zakona o pružanju besplatne pravne pomoći

Pravni osnov za donošenje Zakona o dopunama Zakona o pružanju besplatne pravne pomoći sadržan je u članu 1. poglavlja IV i člana 11. b) poglavlja V, odjeljka A Ustava Unsko-sanskog kantona- Prečišćeni tekst („Službeni glasnik Unsko-sanskog kantona“ br. 1/04 i 11/04).

1. RAZLOZI ZA DONOŠENJE

Dana, 09.08. 2023. godine stupio je na snagu Zakon o zaštiti civilnih žrtava rata u Federaciji Bosne i Hercegovine („Službene novine Federacije BiH“ broj:60/23) (u daljnjem tekstu Zakon).

Zakonom su utvrđeni osnovni principi zaštite civilnih žrtava rata, pojam i status civilne žrtve rata, vrste prava, obim i uslovi pod kojima se ostvaruju ta prava, svrha isplate novčanih naknada za priznata prava, postupak ostvarivanja, način finansiranja, kao i druga pitanja od značaja za zaštitu civilnih žrtava rata na području Federacije Bosne i Hercegovine. Članom 11. Zakona pod nazivom Prava civilnih žrtava rata, između ostaloga u stavu (1) tačka 1) kao jedno od prava propisano je da se prava iz stava (1) tačke f) do m) ovog člana regulišu propisima kantona i finansiraju iz kantonalnih budžeta te u stavu (4) istog člana da prava iz stava (1) tačke f), h), i), j), k) i l) ostvaruju i članovi uže porodice posebne kategorije civilnih žrtava rata. Zakon o pružanju besplatne pravne pomoći („Službeni glasnik Unsko-sanskog kantona“ broj: 22/12 i 3/16) u dijelu odredbi koje se odnose na uslove, kriterij i način ostvarivanja besplatne pravne pomoći definira korisnike prava na besplatnu pravnu pomoć, ali ne i civilne žrtve rata. Naime, kako je na snagu stupio novi Zakon potrebno je definirati i civilne žrtve rata kao korisnike, obzirom na zakonom utvrđeno pravo na ostvarivanje besplatne pravne pomoći. Kako se sada prepoznaje i kategorija djeteta koje je rođeno iz čina ratnog silovanja - dijete posebne kategorije civilnih žrtava rata, neovisno o ostvarenom statusu majke, isti također ostvaruju pravo na besplatnu pravnu pomoć. Nadalje, kako JU Zavod za besplatnu pravnu pomoć USK-a zastupa tražitelje azila, izbjeglice, osobe pod supsidijarnom ili privremenom zaštitom, osobe u postupku protjerivanja, apatride, žrtve trgovinom ljudima, a u skladu sa obavezama koje BiH ima prema međunarodnim konvencijama te postoje već zaključeni sporazumi o istom, ovo Ministarstvo se opredijelilo da se isto propiše i odredbama predmetnog Zakona.

2. FINANSIJSKA SREDSTVA POTREBNA ZA PROVEDBU PROPISA

Za provedbu ovog Zakona nije potrebno osigurati dodatna finansijska sredstva.

3. OBRAZLOŽENJE PRAVNIH RJEŠENJA

Članom 1. propisano je da se u članu 13. stav (1) dodaju nove tačke kojima se omogućuje žrtvama nasilja tokom oružanog sukoba u BiH, civilnim žrtvama rata i članovima uže porodice posebne kategorije civilnih žrtava rata te tražiteljima azila, izbjeglicima, osobama pod supsidijarnom ili privremenom zaštitom, osobama u postupku protjerivanja, apatridima, žrtvama trgovinom ljudima pravo na besplatnu pravnu pomoć.

Članom 2. utvrđeno je stupanje na snagu i primjena Zakona.



DRAGAN P. MANAC, dipl.pravnik

[Handwritten signature]

OBRAZLOŽENJE

O POSTOJANJU UVJETA ZA RAZMATRANJE I DONOŠENJE ZAKONA O DOPUNAMA ZAKONA O PRUŽANJU BESPLATNE PRAVNE POMOĆI PO SKRAĆENOM POSTUPKU

Ministarstvo pravosuđa i uprave Unsko-sanskog kantona stava je da Vlada Unsko-sanskog kantona može predložiti Skupštini Unsko-sanskog kantona da se predmetni Zakon donese po skraćenom postupku, odnosno da se isti razmatra u formi prijedloga, a prednje cijeneći činjenicu da su odredbe Zakona malog obima, da suštinski ne utiču na sadržinu osnovnog teksta propisa, te da se radi o usklađivanju sa odredbama drugih propisa koji reguliraju uvjete za ostvarivanje prava na besplatnu pravnu pomoć.



MINISTAR
Dragan Polimnac, dipl.pravnik

lica kao i prometu drvnih sortimenata iz uvoza iz člana 26. stav 10. ovog Zakona;

(3) Ministar će po predhodno pribavljenom mišljenju kantonalnog ministra nadležnog za trgovinu, turizam i zaštitu okoliša u roku od šest mjeseci od dana stupanja na snagu ovog Zakona donijeti Pravilnik kojim se propisuje način izrade, sadržaj i postupak odobrenja i revizije programa gospodarenja zaštitnim šumama i šumama posebne namjene iz člana 27. stav 11. ovog Zakona;

(4) Ministar će po predhodno pribavljenom mišljenju kantonalnog ministra finansija, u roku od dva mjeseca od dana stupanja na snagu ovog Zakona donijeti Uputstvo o načinu obračuna, rokovima i postupku plaćanja naknada za zaštitu šuma kao i izgled i sadržaj obrasca za obračun uplate naknada za općekorisne funkcije šuma iz člana 66. stav 3. ovog Zakona.

Član 88.

Korisnik (korisnici) državnih šuma dužan je (dužni su) u vremenskom periodu od šest mjeseci, od dana stupanja na snagu ovog Zakona, uskladiti svoje poslovanje sa odredbama ovog Zakona.

Član 89.

(1) Danom stupanja na snagu ovog Zakona prestaje primjena svih propisa iz oblasti šumarstva koja su u suprotnosti sa odredbama ovog Zakona.

(2) Postupci koji su započeti do dana prestanka primjene Uredbe o šumama ("Službene novine F BiH", broj: 83/09, 26/10, 33/10, 38/10 i 60/11), (u daljem tekstu Uredba) rješavat će se u skladu sa odredbama te Uredbe.

(3) Postupci započeti od dana prestanka primjene Uredbe rješavat će se u skladu sa odredbama ovog Zakona.

Član 90.

(1) Obaveza korisnika šuma iz člana 67. ovog Zakona za period od stavljanja van snage Uredbe do stupanja na snagu ovog Zakona izvršavat će se po odredbama Uredbe.

(2) Pravna lica, obveznici plaćanja naknade za općekorisne funkcije šuma iz člana 68. ovog Zakona svoje obaveze za period od stavljanja van snage Uredbe do stupanja na snagu ovog Zakona izvršavat će po odredbama Uredbe.

Član 91.

Ovaj Zakon primjenjivat će se na prostoru Kantona dok se ne postigne trajan dogovor o raspodjeli zajedničkih nadležnosti između Federalnih i kantonalnih vlasti.

Član 92.

Ovaj zakon stupa na snagu osmog dana nakon objavljivanja u "Službenom glasniku Unsko-sanskog kantona".

Broj 01-02-1-386/12
18. jula 2012. godine
B i h a ć

Predsjedavajući Skupštine
Unsko-sanskog kantona
Admir Hadžipašić,
dipl. pravnik

628.

Na osnovu člana 1. poglavlja IV i člana 11. b) poglavlja V, odjeljka A Ustava Unsko-sanskog kantona – Prečišćeni tekst ("Službeni glasnik Unsko-sanskog kantona" br. 1/04 i 11/04) na prijedlog Vlade Unsko-sanskog kantona, Skupština Unsko-sanskog kantona, na 26. sjednici održanoj 18.07. 2012. godine, donosi

ZAKON

O PRUŽANJU BESPLATNE PRAVNE POMOĆI

I – OPĆE ODREDBE

Član 1.

(Sadržaj zakona)

(1) Ovim zakonom propisuju se način i uslovi za ostvarivanje prava na pravnu pomoć, subjekti za pružanje besplatne pravne pomoći, korisnici besplatne pravne pomoći, uvjeti i način za ostvarivanje, organ nadležan za pružanje besplatne pravne pomoći u Unsko-sanskom kantonu, (u daljem tekstu: Kanton) finansiranje i kontrola kvaliteta pružanja besplatne pravne pomoći, kao i nadzor nad provođenjem ovog zakona.

Član 2.

(Minimum prava)

(1) Prava utvrđena ovim Zakonom predstavljaju minimum prava koja se drugim zakonima i propisima ne mogu umanjivati.

(2) Lice ostvaruje besplatnu pravnu pomoć kod nadležnog organa za pružanje besplatne pravne pomoći.

(3) Organi za pružanje besplatne pravne pomoći ostvaruju međusobnu saradnju.

(4) Poslovi pružanja besplatne pravne pomoći građanima slabog imovinskog stanja su poslovi od društvenog, odnosno javnog interesa za Kanton.

Član 3.

(Besplatna pravna pomoć)

(1) Besplatna pravna pomoć je oblik ostvarivanja prava fizičkog lica na pravično suđenje i jednak pristup pravdi pred sudom i drugim organima, čije troškove u cjelosti ili djelimično snosi nadležni organ za pružanje besplatne pravne pomoći.

(2) Odobrena besplatna pravna pomoć može se ograničiti samo pod uslovima propisanim u ovom Zakonu.

(3) Pravo na besplatnu pravnu pomoć obuhvata i pravo na oslobađanje od taksi koje se ostvaruje u skladu sa drugim kantonalnim zakonima.

Član 4.

(Značenje izraza)

(1) Pojedini izrazi koji se koriste u ovom zakonu imaju slijedeća značenja:

- a) Pravo na besplatnu pravnu pomoć, u smislu ovog Zakona predstavlja pravo svakog fizičkog lica da uz ispunjenje određenih uvjeta, od nadležnog organa traži i ostvari besplatnu pravnu pomoć;
- b) Nadležni organ za pružanje besplatne pravne pomoći u smislu ovog Zakona je ustanovljeni organ za pružanje besplatne pravne pomoći korisnicima, u obimu i oblicima utvrđenim zakonom;
- c) Oblici ostvarivanja besplatne pravne pomoći, u smislu ovog Zakona su radnje i postupci kojima se korisniku besplatne pravne pomoći omogućava zaštita prava na pravično suđenje i jednak pristup pravdi;
- d) Korisnik besplatne pravne pomoći je svako fizičko lice kojem je odobrena besplatna pravna pomoć;
- e) Nadležni organ za pružanje besplatne pravne pomoći u Kantonu je Kantonalni zavod za pružanje besplatne pravne pomoći, (daljem tekstu: Zavod)

f) Osobom lošeg imovinskog stanja smatra se osoba koja, prema svom općem imovinskom stanju i stanju članova svog porodičnog domaćinstva, nema sredstava da plati punomoćnika i/ili radnje punomoćnika, te troškove postupka, bez štete za nužno izdržavanje sebe i svoje porodice;

g) Članovima porodičnog domaćinstva korisnika besplatne pravne pomoći smatraju se osobe utvrđene Porodičnim zakonom Federacije Bosne i Hercegovine,

h) Međunarodnim konvencijama smatraju se svi međunarodni akti koji se odnose na pravo pojedinca na pravično suđenje i jednak pristup pravdi, a koje je Bosna i Hercegovina ratifikovala;

i) Pružalac besplatne pravne pomoći je lice zakonom ovlašteno za pružanje besplatne pravne pomoći;

Član 5.

(Ravnopravnost spolova)

Odredbe ovog zakona odnose se podjednako na osobe muškog i ženskog spola, bez obzira na rod imenice upotrebene u tekstu Zakona.

II - OBLICI OSTVARIVANJA BESPLATNE PRAVNE POMOĆI I OBLASTI KOJE ZAKON OBUHVATA

Član 6.

(Oblici ostvarivanja besplatne pravne pomoći)

(1) Besplatna pravna pomoć ostvaruje se kao pravo na:

- a) opće informacije o pravima i obavezama;
- b) pomoć u popunjavanju obrazaca;
- c) pravne savjete;
- d) pravnu pomoć pri sastavljanju svih vrsta podnesaka;
- e) zastupanje pred organima uprave i institucijama;
- f) zastupanje na sudu;
- g) sačinjavanje apelacija;
- h) pravnu pomoć u postupcima mirnog rješavanja spora (medijacija).

(2) Pravo na opće informacije o pravima i obavezama i pomoć u popunjavanju obrazaca za ostvarivanje prava na besplatnu pravnu pomoć

imaju sva lica bez obzira na ispunjavanje uslova propisanih ovim zakonom.

(3) Pravni savjet je detaljno informisanje o načinu i mogućnostima rješavanja određenog pravnog pitanja u konkretnoj pravnoj stvari.

4) Pravna pomoć iz stava (1) ovog člana pruža se bez naknade, osim ako ovim Zakonom nije drugačije propisano.

Član 7.

(Postupci u kojima se pruža besplatna pravna pomoć)

(1) Besplatna pravna pomoć pruža se korisnicima besplatne pravne pomoći u postupcima u kojima se ostvaruju i štite njihova prava i na zakonu zasnovani interesi.

(2) Postupci iz stava (1) ovog člana su:

- a) upravni postupak;
- b) upravni spor;
- c) prekršajni postupak;
- d) parnični postupak;
- e) vanparnični postupak;
- f) izvršni postupak;
- g) krivični postupak, u skladu sa zakonima o krivičnom postupku.

Član 8.

(Postupci u kojima se ne pruža besplatna pravna pomoć)

Ostvarivanje prava na besplatnu pravnu pomoć ne odnosi se na:

- a) postupak pred privrednim sudovima i odjeljenjima nadležnih sudova;
- b) postupak registracije pravnih subjekata;
- c) postupak registracije preduzetničke ili obrtničke djelatnosti;
- d) postupak registracije udruženja i fondacija;
- e) postupak pribavljanja urbanističke saglasnosti i građevinske dozvole, te druge pravne radnje u vezi s građenjem;
- f) sastavljanje privatnih isprava i ugovora.

Član 9.

(Evidencija)

O pruženoj besplatnoj pravnoj pomoći nadležni organ za pružanje besplatne pravne pomoći (u daljem tekstu :nadležni organ) vodi evidenciju u manualnoj i elektronskoj formi, a način vođenja i sadržaj evidencija propisuje ministar Ministarstva

pravosuđa i uprave Unsko-sanskog kantona (u daljem tekstu: ministar pravosuđa).

Član 10.

(Korisnik besplatne pravne pomoći)

Korisnik besplatne pravne pomoći je građanin kome se pravna pomoć pruža po uslovima, kriterijima i načinu ostvarivanja pravne pomoći propisanim ovim zakonom.

Član 11.

(Zabrana diskriminacije)

Korisnik besplatne pravne pomoći ima pravo na besplatnu pravnu pomoć, pod uslovima propisanim ovim zakonom, bez obzira na njegovu rasu, boju kože, jezik, vjeru, etničku pripadnost, nacionalno ili socijalno porijeklo, veze s nacionalnom manjinom, političko ili drugo uvjerenje, članstvo u sindikatu ili drugom udruženju, obrazovanje, pol, polno izražavanje ili orijentaciju, kao i svaku drugu okolnost koja ima za svrhu ili posljedicu da mu onemogućiti ili ugrožava priznavanje, uživanje ili ostvarivanje na ravnopravnoj osnovi prava utvrđenih ovim zakonom.

Član 12.

(Obaveza zastupanja po međunarodnim konvencijama)

Pravna pomoć se pruža građanima po međunarodnim konvencijama koje obavezuju Bosnu i Hercegovinu.

III - USLOVI, KRITERIJI I NAČIN OSTVARIVANJA PRAVNE POMOĆI

Član 13.

(Ostvarivanje besplatne pravne pomoći po osnovu statusa)

(1) Pravo na besplatnu pravnu pomoć na osnovu statusa ostvaruje:

- a) korisnik stalne novčane pomoći ostvarene prema propisu o socijalnoj zaštiti
- b) djeca bez roditeljskog staranja;
- c) lice kome je oduzeta poslovna sposobnost i duševno oboljelo lice smješteno u zdravstvenu ustanovu, ustanovu socijalne zaštite ili drugu specijaliziranu ustanovu,
- d) penzioner koji prima najnižu penziju ili srazmjerno INO penziju, koja zajedno sa

- samostalnom penzijom ne prelazi iznos najniže penzije;
- e) žrtve nasilja u porodici ili nasilja na osnovu spola,

Član 14.

(Ostvarivanje besplatne pravne pomoći po osnovu lošeg imovinskog stanja)

(1) Pravo na besplatnu pravnu pomoć ostvaruje lice lošeg imovinskog stanja kada to utvrdi nadležni organ.

(2) Građaninom slabog imovinskog stanja se, po odredbama ovog Zakona, smatra lice čija ukupna redovna primanja i prihodi po članu domaćinstva ne prelaze iznos od 25% prosječne isplaćene mjesečne neto plaće zaposlenih u Federaciji Bosne i Hercegovine u prethodnoj kalendarskoj godini, a nema nekretnine ili imovinu koja može podmiriti troškove postupka, izuzev nekretnina i imovine koja ne može biti predmet izvršenja u skladu sa Zakonom o izvršnom postupku.

(3) Ne smatra se građaninom slabog imovnog stanja lice koje živi u zajedničkom domaćinstvu sa punoljetnim članom svoje porodice, a koji je takvog imovinskog stanja da je u mogućnosti da snosi njegove troškove advokatskih usluga.

(4) Kod utvrđivanja slabog imovinskog stanja građanina iz stava (2) ovog člana, neće se uzimati u obzir prihod i imovina članova porodice korisnika pravne pomoći, koji sa njim žive u zajedničkom domaćinstvu, a protivstranka su u postupku.

Član 15.

(Djelimična naknada troškova postupka)

Kada podnosilac zahtjeva na raspolaganju ima određena sredstva koja se mogu koristiti u toku postupka, ali su nedovoljna za plaćanje troškova postupka, a naročito troškova zastupanja, nadležni organ za pružanje besplatne pravne pomoći odredit će koje troškove postupka snosi podnosilac.

Član 16.

(Odbijanje pružanja besplatne pravne pomoći)

(1) Besplatnu pravnu pomoć podnosiocu zahtjeva neće se pružiti ili će biti uskraćena:

- a) ako nisu ispunjeni kriteriji iz člana 13. ovog zakona

- b) ako se radi o neopravdanom vođenju postupka,
- c) ako se radi o zloupotrebi prava na besplatnu pravnu pomoć.

(2) Besplatna pravna pomoć će se odbiti ili uskratiti licu koje se ponaša izrazito nasilnički, nepristojno i uvredljivo prema zaposlenicima Zavoda.

(3) U slučaju iz stava (1) i (2) ovog člana, direktor Zavoda će rješenjem odbiti ili uskratiti dalje pružanje pravne pomoći.

(4) Rješenja iz stava (3) ovog člana su konačna i protiv njih nije dopuštena žalba, ali se može pokrenuti upravni spor podnošenjem tužbe nadležnom sudu.

(5) Neopravdano vođenje postupka u smislu stava (1) tačka b) ovog člana postoji kada je podnosilac zahtjeva za besplatnu pravnu pomoć u očiglednom nesrazmjeru sa stvarnim izgledom za uspjeh, kao i kada želi da vodi postupak radi postizanja svrhe, koja je suprotna načelima poštenja i morala.

(6) Zloupotreba prava na besplatnu pravnu pomoć, u smislu stava (1) tačka c) postoji kada je podnosilac zahtjeva za besplatnu pravnu pomoć dao netačne podatke o ispunjavanju kriterija iz ovog zakona, ili ako u slučaju promijenjenih okolnosti u toku vođenja postupka iste nije prijavio nadležnom organu.

IV – POSTUPAK OSTVARIVANJA BESPLATNE PRAVNE POMOĆI

Član 17.

(Zahtjev za pružanje besplatne pravne pomoći)

(1) Zahtjev za pružanje besplatne pravne pomoći, uz priložene dokaze o ispunjavanju uslova propisanih ovim zakonom, podnosi se nadležnom organu na obrascu koji propisuje ministar pravosuđa.

(2) Podnosilac zahtjeva prilaže uz zahtjev svoju ovjerenu pisanu izjavu i ovjerenu pisanu izjavu punoljetnih članova svog porodičnog domaćinstva o imovinskom stanju, kao i svoju ovjerenu pisanu izjavu i pisanu izjavu punoljetnih članova svog porodičnog domaćinstva o dopuštanju uvida u sve podatke o imovini i prihodima.



07

Broj: 09-02 - 12200-1/23
Bihać, 16. 11. 2023. godine

MINISTARSTVO PRAVOSUĐA I UPRAVE ✓
n/r Ministra

16. 11. 23
Adele
u Sarajevu
stavodoni
zupnik
Puzic
Bilalovic

PREDMET: Informacija o potrebi usklađivanja propisa iz nadležnosti Ministarstva pravosuđa i uprave, dostavlja se;

Poštovani,

dana 09.08.2023. godine stupio je na snagu Zakon o zaštiti civilnih žrtava rata u Federaciji Bosne i Hercegovine ("Službene novine Federacije BiH" broj: 60/23) (u daljem tekstu: Zakon).

Ovim Zakonom utvrđuju se osnovni principi zaštite civilnih žrtava rata, pojam i status civilne žrtve rata, vrste prava, obim i uslovi pod kojima se ostvaruju ta prava, svrha isplate novčanih naknada za priznata prava, postupak ostvarivanja, način finansiranja, kao i druga pitanja od značaja za zaštitu civilnih žrtava rata na području Federacije Bosne i Hercegovine.

Članom 11. Zakona pod nazivom- Prava civilnih žrtava rata, između ostalog u stavu (1) tačka l) kao jedno od prava propisano je i pravo na besplatnu pravnu pomoć. Stavom (3) istog člana propisano je da se prava iz stava (1) tačke f) do m) ovog člana regulišu propisima kantona i finansiraju iz kantonalnih budžeta, te u stavu (4) istog člana da prava iz stava (1) tačke f), h), i), j), k) i l) ostvaruju i članovi uže porodice posebne kategorije civilnih žrtava rata.

Zakon o pružanju besplatne pravne pomoći („Sl.glasnik USK“ broj: 22/12 i 3/16) u dijelu odredbi koje se odnose na uslove, kriterij i način ostvarivanja besplatne pravne pomoći (članovi 13. i 14. ovog Zakona) definira korisnike prava na besplatnu pravnu pomoć, ali ne i civilne žrtve rata. Uprkos ovoj činjenici, Kantonalni zavod za pružanje besplatne pravne pomoći (u daljem tekstu: Kantonalni zavod) pruža pravnu pomoć i ovim kategorijama. Ova aktivnost Kantonalnog zavoda pozitivno je ocijenjena na nedavnom sastanku koji je održan u Sarajevu u organizaciji TRIAL: Internacional i Udrženja žrtava rata Foča 92-95 pod pokroviteljstvom ambasade Velike Britanije. Međutim, neophodno je u skladu sa novim Zakonom definirati i civilne žrtve rata kao korisnike, obzirom na zakonom utvrđeno pravo na ostvarivanje besplatne pravne pomoći. Dosadašnja postupanja Kantonalnog zavoda odnosila su se najviše na postupke zastupanja posebnih kategorija civilnih žrtava rata. Imajući u vidu da se novim Zakonom, pored osoba koje su tokom rata ili neposredne ratne opasnosti preživjela seksualno zlostavljanje ili silovanje, pod uslovom da su u momentu događaja bile civili – posebna kategorija civilnih žrtava rata, sada se prepoznaje i kategorija djeteta koje je rođeno iz čina ratnog silovanja - dijete posebne kategorije civilnih žrtava rata, neovisno o ostvarenom statusu majke.


OBRAZAC IZJAVA O FISKALNOJ PROCJENI

Obrazac IFP NE

A.1. Obrazloženje propisa										
Razdjel		KOD	MINISTARSTVO PRAVOSUDA I UPRAVE		NAZIV					
		13010001								
B.3. Osnovni podaci o prijedlogu propisa										
Vrsta propisa/akta	Zakon	DA	NE	Odluka	NE	Strategija	NE			
Naziv propisa/akta	Uredba	NE			Drugi akti	NE	Drugi akti planiranja	NE		
C.3. Izjava o nepostojanju dodatnih fiskalnih efekata predložene propisa										

ZAKON O DOPUNAMA ZAKONA O PRUŽANJU BESPLATNE PRAVNE POMOĆI, neće imati finansijske posljedice u tekućoj i naredne n+1 i n+2 godine po budžet USK-a.

D.4. Pecat i potpis odgovornog lica		Dragan Poljanec	Mjesto i datum	Binać, 15.01.2024
--	--	-----------------	----------------	-------------------





Broj: 04-02-12200 - 7/23
Bihać, 26.01.2024. godine

MINISTARSTVO PRAVOSUĐA I UPRAVE

- ovdje -

PREDMET: Mišljenje o fiskalnoj procjeni, dostavlja se;
Veza, Vaš akt broj : 07-02-12200-2/23 od 15.01.2024. godine

Shodno članu 16. stav1. Alineja 3. Poslovnika o radu Vlade Unsko-sanskog ("Službeni glasnik Unsko-sanskog kantona" broj: 21/21), Ministarstvo finansija je u obavezi dati mišljenje na nacrt i prijedlog drugog propisa, odnosno drugog općeg akta, ako njegovo provođenje zahtjeva osiguranje posebnih sredstava, potrebnih za izvršenje propisa.

Dalje, po odredbi člana 1. i 2 stav (2) Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet ("Službene novine FBiH " 34/16 i 15/18), obrađivač propisa i akata planiranja izrađuje izjavu o fiskalnoj procjeni prilikom izrade tih propisa i akata koje Vlada Federacije Bosne i Hercegovine, odnosno vlada kantona utvrđuje, donosi, odnosno na koje daje saglasnost, te propisa i akata planiranja koje Vlada predlaže Parlamentu Federacije Bosne i Hercegovine, odnosno Skupštini kantona.

U skladu sa naprijed citiranim Pravilnikom, Ministarstvo finansija razmatra i daje svoje mišljenje o fiskalnoj procjeni propisa ili akata planiranja, te dostavlja mišljenje obrađivaču propisa u roku koji je utvrđen Poslovníkom o radu Vlade. Sljedom gore navedenog dajemo sljedeće:

Mišljenje

Ministarstvo pravosuđa i uprave Unsko-sanskog kantona je svojim aktom, broj i datum gornji Ministarstvu finansija dostavilo Nacrt Zakona o dopunama Zakona o pružanju besplatne pravne pomoći, te obrazac izjava o fiskalnoj procjeni (ovjeren i potpisan od strane ovlaštene osobe: obrazac IFP-NE).

Obrađivač akta je u obrazloženju naveo: " Zakon o dopunama Zakona o pružanju besplatne pravne pomoći neće imati finansijske posljedice u tekućoj i naredne (n+1) , (n+2) godine po budžet USK-a".

Ovim putem ukazujemo da Budžet USK-a za 2024. godinu nije usvojen, odnosno na snazi je Odluka o privremenom finansiranju Unsko-sanskog kantona za period januar-mart 2024. godine, usvojena na sjednici Skupštine USK-a, dana 26.12.2023. godine. broj: 01/1-02-45-241/23.

U skladu s članom 35. stav (6) i (7) ("Službene novine Federacije BiH", broj:102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), definisano je da :

- U periodu privremenog finansiranja, finansiraju se isti programi,

- Budžetski korisnici ne mogu započeti nove ili proširene programe i aktivnosti dok se ne donese Budžet.

U skladu s tim Načrt Zakona o dopunama Zakona o pružanju besplatne pravne pomoći moći će se implementirati usvajanjem Budžeta Unsko-sanskog kantona za 2024. godinu.


S poštovanjem,

Obrađivač akta:
Zlatan Zirić, dipl.oec.

Dostavljeno:

1. Naslovu
2. Minist.finansija
3. a/a





07

Broj : 21-02-577- 723
Bihać, 24.01.2023. godine

29.01.23
Adela

MINISTARSTVO PRAVOSUĐA I UPRAVE

PREDMET: Mišljenje na nacrt Zakona o dopuni Zakona o
pružanju besplatne pravne pomoći, dostavlja se;-

Na osnovu člana 4. Uredbe o Uredu za zakonodavstvo Vlade Unsko-sanskog kantona ("Službeni glasnik Unsko-sanskog kantona" broj: 9/11, 22/11 i 7/18), Ured za zakonodavstvo Vlade Unsko-sanskog kantona, daje sljedeće

M I Š L J E N J E
na nacrt Zakona o dopuni Zakona o
pružanju besplatne pravne pomoći

Ustavni osnov za donošenje zakona sadržan je u odredbi člana 1. poglavlja IV kojim je utvrđen djelokrug Kantona, tj. utvrđeno je da Kanton ima sva ovlaštenja koja nisu izričito povjerena federalnoj vlasti ili koja nisu Ustavom Federacije utvrđena kao zajednička ovlaštenja Federacije i Kantona iz djelokruga Skupštine Kantona, te u odredbi člana 11. b) odjeljak A poglavlja V Ustava Unsko-sanskog kantona – Prečišćeni tekst ("Službeni glasnik Unsko-sanskog kantona", broj: 1/04 i 11/04) koji se odnosi na djelokrug Skupštine Kantona za donošenje zakona.

Ured za zakonodavstvo Vlade Unsko-sanskog kantona, a nakon izvršene analize teksta nacrta Zakona o dopuni Zakona o pružanju besplatne pravne pomoći, kao i Obrazloženja datog uz isti, a kojim su navedeni razlozi za donošenje predmetnog Zakona, stava je:

- predmetni Zakon urađen je u skladu sa metodološkim jedinstvom za izradu propisa;
- tekst je usklađen sa materijalnim propisima koji čine osnov za dopunu predmetnog Zakona, odnosno iz kojih proizilazi obaveza da se izvrši dopuna Zakona o pružanju besplatne pravne pomoći („Službeni glasnik Unsko-sanskog kantona”, broj: 22/12 i 3/16);
- tekst predmetnog nacrta Zakona je urađen u skladu sa odredbama Pravila i postupaka za izradu zakona i drugih propisa Federacije Bosne i Hercegovine ("Službene novine Federacije Bosne i Hercegovine", broj: 71/14).

Ured za zakonodavstvo Vlade Unsko-sanskog kantona nema primjedbi na tekst nacrta Zakona o dopuni Zakona o pružanju besplatne pravne pomoći.

Obradila:

Stručni savjetnik za normativno pravne poslove
Jasminka Topić, dipl. pravnik

Dostavljeno:

1. Naslovu
2. a/a

SEKRETAR/UREDA

Asija Filan, dipl. pravnik